

摘藻堂四庫全書薈要

集部

欽定四庫全書薈要卷一萬九千九百五十

集部

宋文鑑卷二十七

宋 呂祖謙 編

詩七言絕句

新蟬

寇準

寂寂官槐雨乍晴  
高枝微帶夕陽明  
臨風忽起悲秋思  
獨聽新蟬第一聲

書河上亭壁

寇準

暮天寥落凍雲垂  
一望危亭欲下遲  
臨水數村誰畫得

淺山寒雪未銷時

離京日作

寇準

致君才業本無能  
戀闕情懷老不勝  
行過龍津重回首  
矍矍初日上觚稜

寄傅逸人

張詠

當年失脚下漁磯  
苦戀明朝未得歸  
寄語巢由莫相笑  
此心不是愛輕肥

赴闕日過申州經石子鎮驛

鄭文寶

得罪先朝出粉闥五原功業有誰知年深放逐無人識  
白雪關頭一望時

菊

韓丕

造化功夫豈異端自緣開晚少人看若教總似陶潛眼  
肯向芳春賞牡丹

題河陽後城平嵩閣

李廸

南指嵩高北太行大河中出貫靈長君王不恃金湯險  
自有仁恩結萬方

水亭秋日偶書

林逋

巾子峰頭烏臼樹微霜未落已先紅  
凭欄高看復下看  
半在石池波影中

自作壽堂因作一絕誌之

林逋

湖外青山對結廬  
墳前修竹亦蕭疎  
茂陵它日求遺藁  
猶喜曾無封禪書

上王相公

魏野

聖朝宰相年年出  
君在中書十四秋  
西祀東封俱已畢

好來相伴赤松遊

天華寺

呂夷簡

賀家湖上天華寺一一軒窗向水開不用閉門防俗客  
愛閑能有幾人來

漁者

郭震

江柳弄風顰翠黛山花着雨濕燕脂却收短棹拈長笛  
一葉舟中仰面吹

老卒

郭震

老來弓劍喜離身說着沙場更愴神  
任使將軍全得勝歸時須少去時人

雲

郭震

聚散虛空去復還野人閑處倚筇看  
不知身是無根物蔽月遮星作萬端

觀藏珠

夏竦

敏手機心頗自安遮藏有路巧千般  
主公當面無因見只怕傍人冷眼看

睢陽

夏竦

海鴈橋邊春水深  
略無塵土到花陰  
亡機不管人知否  
自有沙鷗信此心

松江

陳堯佐

平沙渺渺煙蒼蒼  
菰蒲纔熟楊柳黃  
扁舟繫岸不忍去  
秋風斜日鱸魚鄉

華清宮

陳堯佐

百首新詩百意精  
不尤妃子不尤兵  
爭為一向傷前事



都為明皇恃太平

酬阮逸詩卷

鮑當

木有毫端水有源  
漸成盤錯始潺湲  
右丞畫筆多平淺  
平淺應知近自然

行色

司馬池

冷於陂水淡於秋  
遠陌初窮見渡頭  
賴得丹青無畫處  
畫成應遣一生愁

雪中

晏殊

平臺千里渴商霖，內史憂民望最深。  
衣上六花非所好，畝間盈尺是吾心。

讀史

謝濤

百年奇特幾張紙，千古英雄一窖塵。  
惟有炳然周孔教，至今仁義浸生民。

秋夕北樓

石延年

秋霽露華清帶水，月明天色白連河。  
夜闌澄景生微動，瑟瑟層颼上下波。

題龍興寺老栢院

張在

南鄰北舍牡丹開  
年少尋芳去又迴  
惟有君家老栢樹  
春風恰似不曾來

答永叔問客

王琪

班班疎雨寒無定  
皎皎圓蟾望欲闌  
應在浮雲儘深處  
更憑絲竹一催看

端午帖子詞二首

歐陽修

楚國因讒逐屈原  
終身無復入君門  
願因角黍詢遺俗

可鑒前王惑巧言

嘉辰共喜沐蘭湯  
毒沴何須採艾禳  
但得臯夔調鼎鼐  
自然災祲變休祥

溫成皇后閣春帖子詞

歐陽修

內助從來上所嘉  
新春不忍見新花  
君王念舊憐遺族  
長使無權保厥家

樵者

歐陽修

雲際依依認舊林  
斷崖荒磴路難尋  
西山望見朝來雨

南澗歸時渡處深

謝判官幽谷種花

歐陽修

淺深紅白宜相間  
先後仍須次第栽  
我欲四時携酒去  
莫教一日不花開

對雪憶往歲錢塘西湖訪林逋三首

梅堯臣

昔乘野艇向湖上  
泊岸去尋高士初  
折竹壓籬曾礙過  
却穿松下到茅廬

旋燒枯栗衣猶濕去愛峰前有徑開日暮更寒歸欲懶  
無端撩亂入船來

樵童野犬迎人後山葛棠梨案酒時不畏尖風吹入牖  
更教牀畔覓鴟夷

淮中晚泊犢頭

蘓舜欽

春陰垂野草青青時有幽花一樹明晚泊孤舟古祠下  
滿川風雨看潮生

暑中閑詠

蘓舜欽

嘉果浮沉酒半醺  
牀頭書冊亂紛紛  
北軒涼吹開疎竹  
卧看青天行白雲

夏意

蘇舜欽

別院深深夏簾清  
石榴開遍透簾明  
樹陰滿地日卓午  
夢覺流鶯時一聲

蠲燭

孫復

六龍西走入崦嵫  
寂寂華堂漏轉時  
一寸丹心如見用  
便為灰燼亦無辭

書汜水關寺壁

王安石

汜水鴻溝楚漢間  
跳兵走馬百重山  
如何咫尺商於地  
便有園公綺季閒

漢武

王安石

壯士悲歌出塞頻  
中原蕭瑟半無人  
君王不負長陵約  
直欲功成賞漢臣

張良

王安石

漢業存亡俯仰中  
留侯於此每從容  
固陵始議韓彭地



複道方圖雍齒封

曹參

王安石

束髮河山百戰攻白頭富貴亦成功  
華堂不著新歌舞却要區區一老翁

諸葛武侯

王安石

慟哭揚顓為一言餘風今日更誰傳  
區區庸蜀支吳魏不是虛心豈得賢

讀唐書

王安石

志士無時亦少成中才隨世就功名并汾諸子何為者  
坐與文皇立太平

懷張唐公

王安石

直諒多為世所排有懷長向我前開幕年惆悵誰知此  
南陌東阡獨往來

南浦

王安石

南浦東崗二月時物華撩我有新詩含風鳴綠粼粼起  
弄日鵝黃裊裊垂

初夏即事

王安石

石梁茅屋有彎碕流水濺濺度兩陂  
晴日暖風生麥氣綠陰芳草勝花時

光宅寺

梁武帝宅也其北齊安陽淮齊武帝宅也宋興又在其北

王安石

齊安孤起宋興前光宅相仍一水邊  
蜂忿蟻爭今不見故窠遺堦尚依然

悟真院

王安石

野水縱橫漱屋除  
午窗殘夢鳥相呼  
春風日日吹香草  
山北山南路欲無

示公佐

王安石

殘生傷性老耽書  
年少東來復起予  
各據槁梧同不寐  
偶然聞雨落階除

邵平

王安石

天下紛紛未一家  
販繒屠狗尚雄誇  
東陵豈是無能者  
獨傍東門手種瓜

讀漢書

王安石

京房劉向各稱忠詔獄當時跡自窮畢竟論心異恭顯  
不妨迷國略相同

臺城寺側獨行

王安石

春山撩亂水縱橫籬落荒畦草自生獨往獨來山下路  
筍輿看得綠陰成

雜詠

王安石

烏石崗頭躑躅紅東江柳色漲春風物華人意曾相值

永日留連草莽中

揚子

王安石

儒者陵夷此道窮千秋止有一揚雄當時薦口終虛語  
賦擬相如却未工

范增

王安石

鄭人七十漫多奇為漢毆民了不知誰合軍中稱亞父  
直須推讓外黃兒

杏花

王安石

垂楊一逕紫苔封人語蕭蕭院落中獨有杏花如喚客  
倚牆斜日數枝紅

韓子

王安石

紛紛易盡百年身舉世何人識道真力去陳言誇末俗  
可憐無補費精神

省中

王安石

萬事悠悠心自知強顏於世轉參差移床獨卧秋風裏  
靜看蜘蛛結網絲

溝西

王安石

溝西直下看芙蓉葉底三三兩兩魚若比濠梁應更樂  
近人渾不畏春鉏

歸庵

王安石

稻畦藏水綠秧齊松鬣初乾尚有泥縱蹇尋岡歸獨卧  
東庵殘夢午時鷄

封舒國公

王安石

桐鄉山遠復川長紫翠連城碧滿隍今日桐鄉誰愛我



當時我自愛桐鄉

北山

王安石

北山輸綠漲橫陂直壑回塘艷艷時細數落花因坐久  
緩尋芳草得歸遲

壬戌正月晦復至齊安

王安石

風暖柴荆處處開雪乾沙靜水洄洄意行却得前年路  
看盡梅花看竹來

書何氏宅壁

王安石

有興提魚就公煮此言雖在已三年  
皖瀟終負幽人約  
空對湖山坐惘然

金陵卽事三首

王安石

水際柴門一半開  
小橋分路入青苔  
背人照影無窮柳  
隔屋吹香併是梅

結綺臨春歌舞地  
荒蹊狹巷兩三家  
東風漫漫吹桃李  
非復當時仗外花

昏黑投林曉更驚  
背人相喚百般鳴  
柴門長閉春風暖

事外還能見鳥情

定林

王安石

定林青木老參天橫貫東南一道泉  
六月杖藜尋石路  
午陰多處弄潺湲

孟子

王安石

沈魄浮魂不可招遺編一讀想風標  
何妨舉世嫌迂闊  
故有斯人慰寂寥

孔光

李泰伯

王莽欲為先與草董賢將過自迎門省中樹木何閑事  
却對妻孥不肯言

醖醖

韓維

平生為愛此香濃仰面常迎落架風每至春歸有遺恨  
典刑猶在酒盃中

頴國龐公挽詞

李師中

獨立無朋但任真不持聲勢掩君親若將坤體論臣道  
公是朝廷第一人

負暄閒眠

仲訥

茅簷晴日暖於春  
一枕鈞天樂事新  
滿眼繁花皆得意  
午眠安穩却無人

夜深吟

王令

叩几悲歌涕滿襟  
聖賢千古我如今  
凍琴絃斷燈青暈  
誰會男兒半夜心

登樓三首

狄遵度

道之不好乘桴浮  
赴河蹈海成今遊  
春歸應到嶺北樹

日出先照天南樓

群山南走失所往百川東逝茲其窮天低水國疑將壓  
人過月塘愁欲空

莎青石細淺見底天空雲淡無一毫波間圓月照不動  
海上清風來最高

讀司馬君實撰呂獻可墓誌

鄭 獬

一讀斯文淚寫襟摩天直氣萬千尋知君不獨悲忠義  
又有無憂天下心

途次葉縣觀千葉桃花

陶弼

三月官桃滿上林一花千葉費春心  
葉公城外襄河北一樹無人色更深

登潮月亭

陶弼

渡頭人語知潮上下看南江東北流  
試引輕帆學歸去茶山溪淺却回舟

對花有感

陶弼

得莫欣欣失莫悲古今人事若花枝  
桃紅李白薔薇紫

問着春風自不知





宋文鑑卷二十七

總校官庶吉士

臣

張能照

校對官中書

臣

胡紹基

校對官助教

臣

蔡鎮

膳錄貢生

臣

秦聯登

膳錄監生

臣

羅善慶

欽定四庫全書薈要

集部

宋文鑑卷二十八至三十

詳校官候選知縣臣吳甸華



欽定四庫全書  
養要卷一萬九千九百五十一  
集部

宋文鑑卷二十八

宋 呂祖謙 編

詩  
七言絕句

天人

邵雍

義軒堯舜雖難復  
湯武桓文尚可循  
事既不同時又異  
也由天道也由人

禁煙留題錦屏山下

邵雍

春半花開百萬般  
東風近日惡摧殘  
可憐桃李性溫厚

吹盡都無一句言

懶起

邵雍

半記不記夢覺後似愁無愁情倦時擁衾側卧未懽起  
簾外落花撩亂飛

送蘓修撰赴闕四首

張載

秦弊于今未息肩高蕭從此法相公生無定業田疆壞  
赤子存亡任自然

道大寧容小不同顓愚何敢與機通并疆師律三王事

請議成功器業中

闔闔天機未始休  
袵衣胝足兩何求  
巍巍只為蒼生事  
彼美何嘗與九州

出異歸同禹與顏  
未分黃閣與青山  
事機爽忽秋毫上  
聊驗天心語默間

別館中諸公

張載

九天宮殿鬱岧峣  
碧瓦參差逼絳霄  
藜藿野心雖萬里  
不無忠戀向清朝

聖心

張載

聖心難用淺心求聖學須專禮法修千五百年無孔子  
盡因通變老優游

老大

張載

老大心思久退消倒巾終日面岩堯六年無限詩書樂  
一種難忘是本朝

有喪

張載

有喪不免道終非少為親嫌老為衰舉世只知隆考妣

切思不見我心悲

土牀

張載

土牀煙足紬衾暖瓦釜泉乾豆粥新萬事不思溫飽外  
漫然清世一閒人

芭蕉

張載

芭蕉心盡展新枝新卷新心暗已隨願學新心養新德  
旋隨新葉起新知

貝母

張載



貝母階前蔓百尋  
雙桐盤繞葉森森  
剛強顧我蹉跎甚  
時欲低柔警寸心

題解詩後

張載

置心平易始通詩  
逆志從容自解頤  
文害可嗟高叟固  
十年聊用勉經師

怪石

黃庶

山鬼水恠着薜荔  
天祿辟邪眠莓苔  
鉤簾坐對心語口  
曾見漢唐池館來

白雲庵

黃庶

白雲無種滿地生有時出山為雨露老僧惆悵望雲歸  
盡日庵前自來去

偶成

程顥

雲淡風輕近午天傍花隨柳過前川旁人不識予心樂  
將謂偷閑學少年

送呂晦叔赴河陽

程顥

曉日都門颺旆旌晚風鐃吹入三城知公再為蒼生起

不是尋常刺史行

贈司馬君實

程顥

二龍閑卧洛波清今日都門獨餞行  
願得賢人均出處始知深意在蒼生

題館壁

劉攽

壁門金闕倚天開五見宮花落古槐  
明日扁舟江海去却從雲氣望蓬萊

山堂偶書

唐詢

在處煙雲早晚生自疑呼吸氣皆靈十年夢寐江山裏  
今見江山入戶庭

冬至日遊吉祥寺

蘓軾

井底微陽回未回蕭蕭寒雨濕孤荻何人更似蘓夫子  
不是花時獨肯來

唐道人言天目山上俯視雷雨每大雷但聞雲中  
如嬰兒聲殊不聞雷震也

蘓軾

已外浮名更外身區區雷雷若為神山頭只作嬰兒看

無限人間失箸人

陳季常所蓄朱陳村嫁娶圖二首 蘓軾

何年顧陸丹青手畫作朱陳嫁娶圖聞道一村唯兩姓  
不將門戶買崔盧

我是朱陳舊使君勸耕曾入杏花村而今風物那堪畫  
縣吏催錢夜打門 朱陳村在徐州蕭縣

春日

蘓軾

鳴鳩乳燕寂無聲日射西窓潑眼明午睡醒來無一事

只將春睡賞春晴

贈劉景文

蘇軾

荷盡已無擎雨蓋，菊殘猶有傲霜枝。  
一年好處君須記，最是橙黃橘綠時。

望湖樓醉書二首

蘇軾

黑雲翻墨未遮山，白雨跳珠亂入船。  
卷地風來忽吹散，望湖樓下水如天。

放生魚鼈逐人來，無主荷花到處開。  
水枕能令山俯仰，

風船解與月徘徊

望海樓晚景二首

蘓軾

橫風吹雨入樓斜，壯觀應須好句誇。  
雨過潮平江海碧，電光時掣紫金蛇。

青山斷處塔層層，隔岸人家喚欲應。  
江上秋風晚來急，為傳鐘鼓到西興。

書雙竹湛師房

蘓軾

暮鼓朝鐘自擊撞，閉門孤枕對殘缸。  
白灰旋撥通紅火，

卧聽蕭蕭雪打窗

王莽

蘓軾

漢家殊未識經綸  
入手功名事事新  
百尺穿成連夜井  
千金購得解飛人

金橙徑

蘓軾

金橙縱復里人知  
不見鱸魚價自低  
須是松江煙雨裏  
小船燒薤擣香齏

霜筠亭

蘓軾



解籜新篁不自持  
嬋娟已有歲寒姿  
要看凜凜霜前意  
須待秋風粉落時

中秋月

蘇軾

暮雲收盡溢清寒  
銀漢無聲轉玉盤  
此生此夜不長好  
明月明年何處看

梅花二首

蘇軾

春來幽谷水潺潺  
的皪梅花草棘間  
一夜東風吹石裂  
半隨飛雪渡關山

何人把酒慰深幽，開自無聊落更愁。  
幸有清溪三百曲，不辭相送到黃州。

南堂

蘇軾

掃地燒香閉閣眠，簾紋如水帳如煙。  
客來夢覺知何處，掛起西窗浪接天。

書李世南所畫秋景

蘇軾

人間斤斧日創痍，誰見龍蛇百尺姿。  
不是溪山曾獨往，何人解作掛猿枝。

題澄邁驛通潮閣

蘇軾

餘生欲老海南村  
帝遣巫陽招我魂  
杳杳天低鵲沒處  
青山一髮是中原

歸計

沈括

住山人少說山多  
空只年年憶薜蘿  
不是自心應不信  
眼前歸計又蹉跎

姑孰

沈括

新晴渡口百花香  
石子池頭鴨弄黃  
捲幔夕陽留不住

好風將雨過梅塘

靜居

李宗易

大都心足身還足  
祇恐身閑心未閑  
但得心閑隨處樂  
不須朝市與雲山

虞姬墓

蘓轍

布叛增亡國已空  
摧殘羽翮自今窮  
艱難獨與虞姬共  
誰使西來敵沛公

秋祀高禩

蘓轍

乾德年中初一新顏垣破瓦委荆榛興亡舉墜干戈際  
閒暇方知國有人

題陽關圖

黃庭堅

斷腸聲裏無形影畫出無聲亦斷腸想得陽關更西路  
北風低草見牛羊

題李伯時畫嚴子陵釣灘

黃庭堅

平生久要劉文叔不肯為渠作三公能令漢家重九鼎  
桐江波上一絲風

北窗

黃庭堅

生物趨功日夜流  
園林才夏麥先秋  
綠陰黃鳥北窗簾  
付與來禽安石榴

和謝公定河朔漫成

黃庭堅

漢時水占十萬頃  
官寺民居皆濁河  
豈必九渠亡故道  
直緣穿鑿用工多

梅福隱居

黃庭堅

吳門不作南昌尉  
上疏歸來朝市空  
笑拂岩花問塵世

故人子是國師公

次韻子瞻延英入侍

黃庭堅

延和西路古槐陰不隔朝宗夙夜心  
公有胸中五色線平生補袞用功深

戲題小雀捕飛蟲畫扇

黃庭堅

小蟲心在一啄間得失與世同  
輕重丹青妙處不可傳  
輪扁斲輪如此用

竹枝歌二首

黃庭堅

竹竿坡面蛇倒退摩圍山腰胡孫愁杜鵑無血可續淚  
何日金鷄赦九州

命輕人鮚甕頭船日瘦鬼門關外天壯人墮淚南人笑  
青壁無梯聞杜鵑

答聞善二首

黃庭堅

公擇醉面桃花紅人百忤之無愠容羣老夜闌傾數斗  
焚香默坐日生東

陶令舍中有名酒無夕不為父老傾四坐歡欣觀酒德



一燈明暗又詩成

病起荆江亭即事

黃庭堅

成王小心似文武周召何妨略不同  
不須要出我門下  
實用人材即至公

臺下

沈 遼

石梅落落欲黃時  
細雨濛濛暗不開  
數日不行臺下路  
不知江水過山來

宿濟州西門外旅館

晁端友

寒林殘日欲棲烏  
壁裏青燈下有無  
小雨愔愔人假寐  
卧聽疲馬齧殘芻

召試學士院

王欽臣

翠木陰陰白玉堂  
長年來此試文章  
日斜奏罷長楊賦  
閑拂塵埃看畫墻

題淺沙泉

黃履

欄低沙淺一泓寒  
雨不增深旱不乾  
要識有源為可取  
餘波更向大江看

次韻答學者

陳師道

太阿無前鋒不缺鉞刀不堪供一切至柔繞指剛則折  
善而藏之光奪月

寄都下故人示王子安

陳師道

湖海相忘日自疎經年不作一行書世間惟有韓康伯  
肯為淵明住世餘

絕句

陳師道

里中餽杏得嘗新馬上逢花始見春  
勤苦著書如作吏

世間枉是最閑人

贈吳氏兄弟

陳師道

得失媿妍只自知  
略容千載有心期  
恨君不識金華伯  
何處如今更有詩

絕句

陳師道

書當快意讀易盡  
客有可人招不來  
世事相違每如此  
好懷百歲幾回開

經筵大雪不罷講二首

呂希哲

水晶宮殿玉花零點綴宮槐卧素屏特勅下簾延墨客  
不因風雪廢談經

強記師承古道先無窮新意出陳編一言有補天顏動  
全勝三軍賀凱旋

曾點

呂大鈞

函丈從容問且酬展才無不至諸侯可憐曾點推鳴瑟  
獨對春風詠不休

題宣州後堂壁

張耒

過雨山亭暑氣微  
老人猶未試生衣  
滿園閑綠無人到  
春日南風燕子飛

栢武公

張耒

北征談笑縛姚公  
靜掃諸陵見洛嵩  
不用登高笑夷甫  
正緣此輩使君雄

絕句

張耒

風掉浮煙匝地回  
雨將濃翠撲山來  
晚涼鼓角三吹罷  
夕照江天萬里開

漫成

張耒

閉門春風作往還誰家有花堪醉眠  
柳腰榆莢爭入眼  
江梅一枝遠如天

北郊

呂大臨

村北磽田久廢耕試投嘉穀望秋成  
天時地力難前料  
萬粒須期一粒生

送劉戶曹

呂大臨

學如元凱方成癖文似相如反類俳  
獨立孔門無一事

唯傳顏氏得心齋

題驛舍

盧秉

青衫白髮病參軍  
旋糴黃糧買酒尊  
但得有錢留客醉  
也勝騎馬傍人門

送呂子進

張舉

籬鷄雲鵬各有程  
匆匆送別未忘情  
恨君不在蓬籠底  
共聽蕭蕭夜雨聲

守關

劉季孫



晨鷄三叫未開關  
留滯行人更解鞍  
却上月明高處立  
曉風吹面作清寒

題李世南畫扇

蔡肇

野水潺潺平落澗  
秋風瑟瑟細吹林  
逢人抱甕知村近  
隔塢聞鐘覺寺深

自歎

任伯雨

當年言路亦逡巡  
白簡青蒲十一人  
半斥炎荒半除籍  
而今無一預朝紳

感古二首

任伯雨

一言借諭資鍾會意在張華亦已深大抵知言由養氣  
可憐晉武有蓬心

指鹿姦謀豈偶然都緣人事不由天要知左右皆言馬  
只為當時殺正先

途中

張公庠

一年春事又成空擁鼻微吟半醉中夾路桃花風雨過  
馬蹄無處避殘紅

張辟疆

劉跋

老畫駸駸不可攀  
風流依約片言還  
小兒若悟他年事  
肯復生心涕淚間

春日村居

崔鷗

春草門前已沒靴  
更無人過野人家  
離離細竹時聞雨  
淡淡疎簾不隔花

讀漢書

鮑欽止

漢公事業比阿衡  
純用詩書至太平  
它日何人頌功德

至今嘲笑亦諸生

垂虹亭

米黻

斷雲一葉洞庭帆  
玉破鱸魚霜破柑  
好作新詩繼桑苧  
垂虹秋色滿東南

題泗濱南山石壁曰第一山

米黻

京洛風沙千里還  
船頭出汴翠屏間  
莫論衡霍撞平星  
斗直是東南第一山

杜牧

田畫

弟病兄孤失所依當時書語最堪悲豈圖乞得南州後  
却恨尋芳去較遲

墨子

田畫

末學紛紛自有師能言兼愛我猶疑定知己駕雲梯後  
却悔初心泣染絲

見降羗感事

晁詠之

沙場尺箠致羗渾玉陛朝趨雨露恩自笈百年家鳳闕  
一生腸斷國西門

暮雨

謝 邁

晚雨牆東暗綠槐  
清陰亭院鎖莓苔  
萎堦紅藥將春去  
點水青荷與夏來

雨中謾成

謝 邁

東風渾作勒花寒  
寂寞林塘不受看  
玉板鶴翎俱未識  
梨梢空有淚闌干

村老

馬 存

肉死皮乾垂鬢絲  
尋暄扶杖向東籬  
文王沒後無人問

直至而今太半饑

自齊山借舟泛湖還家

曹緯

十里平湖漫不流  
晚風吹浪打行舟  
定知歸得侵燈火  
家在菰蒲最盡頭

茅塘馬上

賀鑄

壯圖忽忽負當年  
回羨農家過我賢  
水落陂塘秋日薄  
仰眠牛背看青天

宋文鑑卷二十八

欽定四庫全書薈要卷一萬九千九百五十二

集部

宋文鑑卷二十九

宋 呂祖謙 編

詩 雜體

星名

二十八宿歌贈无咎

黃庭堅

虎剥文章犀解角食未下亢竒禍作藥材根氏罹斲掘  
蜜蜂奪房抱饑渴有心無心材慧死人言不如龜曳尾  
衛平哆口無南箕斗柄指日江使噫狐腋牛衣同一燠



高丘無女甘獨宿虛名挽人受實禍累棊既危安處我  
室中凝塵散髮坐四壁矗矗見天下奎蹄曲隈取脂澤  
婁豬艾豕彼何擇傾腸倒胃得相知貫日食昴終不疑  
古來畢命黃金臺佩君一言等甯觸月沒參橫惜相違  
秋風金井梧桐落故人過半在鬼錄柳枝贈君當馬策  
歲晏星回觀盛德張弓射雉武且力白鷗之翼沒江波  
抽絃去軫君謂何

人名

和蕭十六

孔平仲

式微子歎歸期滯踈鐘皓月僧窗睡滿郭丹楓已送秋  
李白桃紅春又至綠楊朱戶鎖娉婷燕趙壹筴誰相視  
紅顏回眄能溺人有若大川無際涘吾曹操行薄雲天  
去險就平當擇地嚴君平昔教諸子肯向贛江為此事  
勿損仁義縱歡娛力與主張興廢墜不才彊使酬杜詩  
搦管能令言鄙志

郡名

郡名詩呈呂元鈞

孔平仲

相人觀久遠要且視資質酒酸本多甘絹敗為少密公  
家渭川後端亮氣不屈播移雖裔土寧安如舊華優游  
歸孔聖坎壈笑趙壹儻來等榮辱所遇順勞佚道閤接  
談賓文房散書帙當其泰定時海宇更無物耳目并已  
忘何心蘄冕黻忽聞韶曲奏更覺巴音失溫純比金玉  
清越勝琴瑟似追少陵步真得建安骨從今益淬厲及  
此舒長日唱酬安敢同心欽但齋栗

藥名

登湖州銷暑樓

陳亞

重樓肆登賞豈兼石為廊風月前湖近軒窗半夏涼  
曾青識漁浦芝紫認仙鄉却恐當歸闕靈臺為別傷

荊州即事五首

黃庭堅

四海無遠志一溪井遂心牽牛避洗耳卧著桂枝陰  
前湖後湖水初夏半夏涼夜闌鄉夢破一鴈度衡陽  
垂空青幕六一一排風開石友常思我預知子能來

幽澗泉石綠閉門聞啄木運柴胡奴歸車前掛生鹿  
雨如覆盆來平地沒牛膝回望無夷陵天南星斗濕

建除

重贈徐天隱

黃庭堅

建極臨萬邦稽古陛下聖除書日月下有耳家相慶滿  
意見升平父老扶杖聽平生所傳聞似仁祖德性定鼎  
百世長橐弓四夷靜執事當在朝官冷殊未稱破帽風  
歌歌簡易不騎乘危顛相扶持泉石供嘲詠成樂澗阿

中傲世似未敬收潦下秋船期公拜嘉命開元貞觀事  
身得見全盛閉門長蓬蒿或許老夫病

八音

八音歌答黃魯直

晁補之

金蘭況同心莫樂新相知石田罹清霜念此百草腓絲  
省煮繭吐士聽憤悱語竹馬非妙齡美人恐遲暮匏繫  
魯東家今君尚天涯土膏待陽瘴氣至如咄嗟革薄不  
可廓士迫下流惡木無松栢心蝸處螻蟻託

四聲

還鄉展省道中作四聲詩寄豫章僚友

孔仲平

蕭灘波潺湲巴丘山崔嵬江天如相迎風吹浮雲開思  
鄉人皆然惟予頻歸來松楸彌青鮮春容生泉臺久雨  
水陡長決漭似海廣輦底解小艇曉起蕩兩槳早飯野  
篠下鳥語靜愈響有酒我不飲引領但子想四際又暮  
夜意詣尚未到繫纜坐樹蔭嘒嘒厭聚噪徑步氣尚暝

岸嘯韻自報內顧自慰幸比歲屢拜掃執熱逼入伏一  
葉益局促日落月欲出豁若脫桎梏木色鬱碧幄竹節  
削綠玉赤脚踏白石宿泊得沐浴

藏頭

寄賈宣州

孔平仲

高會當年喜得曹日陪宴衍自忘勞力回天地君應憊  
心狹乾坤我尚豪亥論書非素學子孫干祿有東臯  
十年求友相知寡分付長松蔭短蒿



呈章子平

孔平仲

王駱聲華星斗傍方州  
投老憇甘棠木逃剪伐枝長碧  
石耐鐫磨性有常巾褚藏經勤問學  
子孫傳業富文章  
十年流落歸何暮日聽除書侍玉皇

離合

藥名離合四時四首

孔平仲

草滿南園綠青青復間紅  
花開不掃地錦繡逕相通

其二

漿寒飲一石蜜液和巖桂心渴望天南星河粲垂地

其三

參旗挂綵木通夕涼如水銀漢耿半天河橋暝煙紫

其四

雪片擁頽垣衣裘冷如甲香醪不滿榼藤枕歌殘臍

回紋

泊鴈

王安石

泊鴈鳴深渚收霞落晚川  
拆隨風歛陣樓映月低  
弦漠

漠汀帆轉幽幽岸火然壑危通細路溝曲繞平田

一字至十字

詠竹

文同

竹竹森寒潔綠湘江濱渭水曲帷幔翠錦戈矛蒼玉心  
虛異衆草節勁踰凡木化龍杖入仙陂呼鳳律鳴神谷  
月娥巾帔靜萋萋風女笙竽清簌簌林間飲酒碎影搖  
罇石上圍碁輕陰覆局屈大夫逐去徒悅椒蘭陶先生  
歸來但尋松菊若論檀藥之操無敵於君欲圖瀟灑之

姿莫賢於僕

兩頭纖纖

兩頭纖纖二首

張舜民

兩頭纖纖織女梭  
半白半黑右軍鵝  
膈膈膊膊石子坡  
磊磊落落大風歌

兩頭纖纖蠶綰絲  
半白半黑蠅蠹之  
膈膈膊膊母赴兒  
磊磊落落忠臣詞

五雜組

五雜組四首

孔平仲

五雜組垂衣裳往復來就桀湯不獲已剪夏商  
五雜組花木春往復來江湖人不獲已議和親  
五雜組錦繡段往復來隨陽鴈不獲已猶仕宦  
五雜組朝霞明往復來車馬行不獲已方用兵

了語不了語

了語

孔平仲

公餗欲成忽覆鼎銀餅汲絕還沈井乳虎咆哮落深窞

青劍一揮斷人頸

不了語

孔平仲

無言以手尋珮環寒暑迭運彫朱顏八駿踏地幾時徧  
六龍駕日何年閑

難易言

難易言二首

蘓舜欽

擬把鉛刀伐丹桂欲坐胷井攀青天排羅嬰兒拒九虎  
未若以道干貴權

地上拾芥亦細碎掌裏數文猶苦辛  
脫使擿九下峻阪  
未若以財而發身

聯句

劒聯句

范仲淹

歐陽修

滕宗諒

聖人作神兵以定天下厄

范

蚩尤發靈機干將構雄績

歐  
橐籥天地開鑪冶陰陽闢

滕

南帝輸火精西皇降金

液

歐

炎炎崑崗熒洶洶洪河擘

范

雷霆助意氣日月淪

精魄

滕

神氣不在天錯落就三尺

歐

直淬臨溪泉橫磨

太行石歐雄雌威並立晝夜光相射范提攜風雲生指

顧煙霞寂滕堅剛正人心耿介志士跡歐初疑成夏鼎

魑魅世所適滕又若引吳刀犀象謂無隔范截波虬尾

滑脫浪鯨牙直歐頑冰挂陰雷皎月乘孤隙歐河角起

彗氣雲罅露秋碧范曉鐔星斗爛夜匣飛龍宅范舞酣

霰雪回彈俊球琳擊滕鮮搖雪水光膩刮湘山色滕青

蛟渴雨瘦素虺蟠霜脊歐清音鏘以鳴寒姿堅且澤范

鬼類喪影響佞黨摧肝膈歐一旦會神武四海屠兇逆



范周王奉天討商郊千里赤歐楚子揚軍聲秦師萬首

白范祥輝冠吳楚殺氣橫燕易范與君斬鰲足八極停

震號歐與君制鵬翼三辰增煥赫范莫使化猿翁辱我

為幻惑范莫使暴虎人屈我執仇敵滕尊嚴俟冠冕左

右舞干戚歐功成不可留延平空霹靂范

風琴聯句謝濤希深梅堯臣聖俞

竅竹漏天風張絃擬嶧桐佳名從此得妙響未曾窮希

深夜靜危臺上人閒皎月中依依聽不足秋露滿蘭叢

聖俞

悲二子聯句

蘇舜元才翁蘇舜欽子美  
二子謂穆修凌孟陽

有客自遠方來以二子說穆子疾病初家事巨細缺鄰  
人苦其求才翁醫師久已決案盃小大空布被旁午裂

餘喘尚能鼓

子美

老慣知己結目淒望羊泓髭斷反蝟

茁憂酸繫餘生

才翁

圓曲勿自悅吾屬何流離衆人方

草竊凌子以道路

才翁

十口著羈紲恰旅重江間正值

大饑節既無裹飯交

子美

疾走繼麤糲又無執漿人及

時沃括渴惜哉殞天命

才翁

痛焉在親經帝胡生爾身

世復稱其傑胸伏氣萬丈

子美

腸貯怨百折艱難泊風

波憔悴墮霜雪久僕勤龍鍾

才翁

弱女癡蹢躅文隨寒

餓空道與煙焰滅魂兮竟何歸

子美

去矣不得別長府

豈無財莫濟醫藥切太倉豈無粟

才翁

莫解腹腸熱天

子聖在上海內清欲澈伊人胡不官

子美

既死安得活

朝青與暮紫神喜天不軋昂車與怒馬

才翁

門滿道不

絕之子苟間側斯民乃貪饗高亢世弗親

子美

方嚴鬼

所掣敢言才足珍寧免否來齧思潛淚輒抽

才翁

慘舊

面成耄舉目此牢落側身今鄙嫫箴言耳空虛

子美

險

論口硯艱作詩告石梁聊以慰寒骨

才翁

地動聯句

蘓舜元舜欽叔才舜元舊字也

大荒孟冬月

叔才

末旬高春時日腹昏盲俵

子美

風口

鳴鳴咿萬靈困陰戚

叔才

百植嗟陽衰濃寒有勝氣

子

美大凍無敗期六指忽搖拽

叔才

羣蹠初奔馳丸銅落

蟾吻

子美

始異張渾儀列宿犯天紀

叔才

預驗漢志辭

民薨函鼓舞

子美

禁堞疆崩離坐駭市聲死

叔才

立怖

人足踣坦途重車償

子美

急傳壯馬歆陵阜動撫手

叔

才礫塊當揚箕停污有亂浪

子美

僵木無靜枝衆喙不

暇息

叔才

脊嶂驚欲飛踊塔撼鐸碎

子美

安流蕩舟疲

倒壺喪午漏

叔才

顛巢駭眠鷗居人眩眸子

子美

行客

勞觸兒南北頓儵忽

叔才

西東播戎夷四鎮一毛重

子

美百川寸涔微斗數不知大

叔才

軒輊主者誰共工豈

復愁

子美

富媼安得為寧無折軸患

叔才

頓易崩山悲

衆蟄不安土

子美

群毛難麗皮驚者去靡所

叔才

仆或

如見擠轟雷下簷瓦

子美

決玉顧倉梁雙顛太室吻

叔

才

四躍宸庭螭萬宇變旋室

子美

百城如轉機念此大

菑患

叔才

必由政瑕疵勝社勇厥氣

子美

孤陽病其威

傳是下乘上

叔才

亦曰尊屈卑夫惟至靜者

子美

猶不

可保之况乃易動物

叔才

何以能自持高者恐顛墜

子

美

下者當鎮綏天戒豈得慢

叔才

肉食宜自思變省孽

可息

子美

損降禍可違願進小臣語

叔才

兼為丹宸規

偉哉聰明主

子美

勿遺地動詩叔才

集句

送吳顯道

王安石

五湖大浪如銀山，問君西遊何當還。  
以手撫膺坐長歎，空手無金行路難。  
丈夫意有在吾徒，且加餐屏風九疊。  
雲錦張千峰如連環，上有橫河斷海之浮雲。  
可望不可攀，飛空結樓臺，動影裏窕冲融間。  
沛然乘天遊，下看塵世悲人寰。  
泊舟潯陽郭，去去翔空廓。  
君今幸未成老翁。

衰老不復如今樂

戲贈湛源

王安石

恰有三百青銅錢  
憑君為筭小行年  
坐中亦有江南客  
自斷此生休問天

與北山道人

王安石

可惜昂藏一丈夫  
生來不讀半行書  
子雲識字終投閣  
幸是元無免破除

示蔡天啟

王安石



身著青衫騎白馬日馳三百尚嫌遲心源落落堪為將  
却是君王未備知

烝然來思

王安石

烝然來思送程公也公來以薨麋饋我我飲餞之宿  
西水許故作是詩

念我獨兮亦莫我顧烝然來思程伯休父我有旨酒爾  
殽伊脯酌言疇之式歌且舞不留不處適彼樂土言秣  
其馬率西水許有客宿宿于時語語山有喬松江有渚

式遄其歸不我與作此好歌倡予和女

集杜詩句

寄孫元忠

孔平仲

君不見瀟湘之山衡山高八月秋高風怒號草木黃落  
龍正蟄哀鴻獨叫求其曹男兒生無所成頭皓白漂零  
已是滄浪客呼兒覓紙一題詩此心炯炯君應識

宋文鑑卷二十九